



N°7081  
Entrée le 27.10.2022  
Déclarée recevable  
Président de la Chambre des Députés  
(s.) Fernand Etgen  
Luxembourg, le 27.10.2022

Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 27/10/2022

Här President,

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Sozialversécherung weiderzeleeden.**

De Contrôle médicale war an de leschten Deeg an de Medie vill negativer Kritik ausgesat. Mir kruten doropshi Messagen, dass vill Leit mat dem Contrôle médicale onzefridde sinn, sech ongerecht behandelt fillen oder souguer net eescht geholl fillen.

An deem Zesummenhang wéilt ech dem Minister dës Froe stellen:

1. Op déi lescht 5 Joer gekuckt, wéi vill Leit, déi vum Contrôle médicale als nees aarbechtsfäeg agestuufft an erëm schaffe geschéckt gi sinn, sinn entweder réckfällg ginn oder hunn erëm missten operéiert ginn?
2. Op déi lescht 5 Joer gekuckt, wéi vill Leit, déi wéinst psychesche Problemer krankgeschriwwen waren an erëm schaffe geschéckt goufen, si kuerz dorop réckfällg ginn oder verscheet?
3. Op déi lescht 5 Joer gekuckt, wéi vill Fäll goufen et wou de behandelnden Dokter fir säi Patient Recours géint d'Decisioun vum Contrôle médicale ageluecht huet?
4. Op déi lescht 5 Joer gekuckt, wéi vill Mataarbechter si bei de Contrôle médicale convoquéiert ginn, well se méi laang wei ee Mount krank waren ?
5. Wéi vill Reklamatiounen, op déi lescht 5 Joer gekuckt, goufen et vu Patiente ?
6. Wéi vill Mol ass bei den Doktere vum Contrôle médicale wéinst Reklamatioune vu Patienten intervenéiert ginn, well den Dokter ausfalend oder frech gi wier?
7. Wéi vill vun dëse Fäll goufe Sanktioune géint Doktere vum Contrôle médicale ausgeschwat?

Mat déiwem Respekt,



[www.piraten.lu](http://www.piraten.lu)

---



CLEMENT Sven  
Deputéierten

